

Ariba tur tereno el a demostra su capacidad

Claudius Philips: Artista menos reconocí na Aruba

Na cualquier otro parti di mundo e lo por a forma carera esplendido

ORANJESTAD(AAN)-- Na contestanan di Calypso e ta demostra su talento y resultadonan ta papia pa nan mes. No solamente e ta presenta cancionnan, cu ta pone publico ariba pia, pero na mes momento e ta duna muestra continuo di su capacidad como showman. Na Festival di OTI, Claudius Philips a pone Aruba na un lugar importante. Pero te awe e cantante no ta haya e reconocimiento cu e merece.

Paulatinamente Claudius Philips a bin ta kibra records. For di 1983 te awor el a gana cu su Roadmarch na cuatro ocasion y dos bez consecutivamente. Pa loke ta trata Calypso, durante 8 aña el a bay cu e titulo.

Rumorman tabata circula, cu

e aña aki lo bay duna Claudius Philips un auto como regalo pa su gran contribucion na Carnaval. Pero te awe ni holor di auto, te pa por a mira color.

E premio cu un Calypso King ta haya ta 700 Florin, mientras cu ganador di Roadmarch tambe ta haya 700 Florin. Si tene cuenta cu ta nan, hunto cu e Rey di Tumba ta esnan cu realmente ta percura pa e ambiente musical, sin cual Carnaval simplemente ta muri, mester realiza cu e premionan aki, cu ta worde ricibi tambe pa e Rey di Tumba, ta sumamente pover pa no papia di miserable.

Sin kita nada for di un Reina di Carnaval, mester midi bon y lo realiza cu e premionan pa Calypso King y Roadmarch ta



nada compara cu loke un Reina ta haya.

Si premionan no ta duna empuhe na esnan cu ta percura pa

ambiente musical, cu ta e ambiente di Carnaval, e caso di Claudius Philips ta uno sumamente dificil pa acepta.

Aruba den su persona ta conta cu un artista multifacetico, cu ariba escenario internacional a demostra kico e por. E chancen cu Claudius Philips a haya pa persigui un carera briyante, pa cual e tin tur talento, ta cero.

E motibonan nunca ta sali dilanti. Pero si tene cuenta con na paisnan den vecindario directo di Aruba mes, tur loke ta posible ta worde haci pa lanza artistanan di e pais, mester observa cu Claudius Philips, e Mighty Talent di Calypso Contest y e voz romantico di festivalnan, nunca a haya e reconocimiento cu e merece, manera tanto bez ta worde comenta tambe ariba caya!

Atia: Acusacion ta un fantasia grandi

Atake baho ta falta di argumento sano

ORANJESTAD(AAN)- Relaciona cu un remitido den DIARIO di Diasabra 3 di Februari 1990, directiva di A.T.I.A. ta desea di trece lo siguiente dilanti. Na e momento cu den e reunion general teni dia 30 id Augustus 1989 for di

miembrecia a sali e proposicion pa A.T.I.A. prepara un documento relaciona cu Independencia di Aruba na 1996, tanto directiva como tur e miembronan presente a comprende masha bon, cu e resultado lo no por ta na agrado di tur

hende.

Cu lo tin hende di opinion diferente na esun di A.T.I.A. ta algo logico, pasobra si no tabata asina, anto e miembronan lo no a sinti e necesidad di encarga directiva cu preparacion di un documento.

Cumpliendo cu e mandato di e reunion general, e directiva a prepara su documento, despues di obtene informacionnan y di tene consulta al caso. Y cu orgullo directiva di A.T.I.A. por declara cu e documento a haci un impacto fuerte, y cu ta hopi reaccionnan positivo e directiva a ricibi.

A.T.I.A. desde su fundacion semper a funciona ariba e nivel halto ganando asina respet di e comunidad Arubano y di regionnan den exterior. A.T.I.A. ta respeta opinion di cada individuo, di cada gremio. Nunca A.T.I.A. a baha na nivel di ta ataca ningun hende of gremio personalmente.

E hecho aki semper ta un prueba masha cla di falta di argumentacionnan sano. A.T.I.A. simplemente not a kere den e sistema ey, ya cu e ta un sistema antidemocratico, negativo y destructivo. Cu A.T.I.A. a actua contra derechonan humano ora el a mula tal documento, ta naturalmente un fantasia grandi. Despues di a leza parti di e Declaration of the granting of Independence to Colonial countries and peoples, ATIA ta mas convenci ainda di esey.

Finalmente directiva di A.T.I.A. ta declara cu no ta su tarea di sinta duna les di e idioma Ingles y cu e ta considera e asunto aki conclui.

leisure Industries
MANAGEMENT COMPANY, N.V.

A SUN DEVELOPMENT COMPANY

Offers:

- 1) Job security
- 2) Pleasant working atmosphere
- 3) Sound benefit package
- 4) Career growth opportunities
- 5) Good (competitive) salaries

OPERATORS OF:

ARUBA BEACH CLUB
CASA DEL MAR BEACH RESORT

Has vacancy for: A SECRETARY

REQUIREMENTS:

Basic secretarial skills
Good knowledge of English, Spanish & Dutch both in writing and speaking
Shorthand in English is recommended
At least 2 years of experience.

Please apply at Personnel Office,
Mrs. Mariette Rincones, or for information
Tel. 27000, ext. 661.



The Quality Employers

VALENTINE SPECIAL

ITALIAN RISTORANTE

La Dolce Vita

Nassastraat

Dinner hours 6 - 11pm.

- 1 Glass of wine
 - 2 Soup or salad
 - 3 Entree
 - 4 Coffee
 - 5 Cake or Ice cream
- \$ 21 per person



Nice valentine's gift surprise